

Date – 19/10/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Sum hmuh loh avanga PM POSHAN hnuiaia zirlai naupangte hnena chawchhun sem thin khaihlak mai tur chu sorkarin hma la in, chinfel tum a ni.**
- 2. Harsatna tawk hmeichhiate hun engemaw chen an belh theih tur Shakti Sadan centre chu Mizoramah 12 din a ni a, tun dinhmunah hmeichhia chhawmdawl lai 1193 an awm mek.**
- 3. Jharkhand Assembly inthlan atana seat insem dan turah NDA te chuan nimin khan inremna an siam.**
- 4. President Draupadi Murmu chuan nimin khan Malawi President Lazarus Chakwera a kawm.**



MID DAY MEAL

Pradhan Mantri Poshan Shakti Nirman (PM POSHAN) hnuiaia zirlai naupangte hnena chawchhun sem thin chu, kumin January thla atang khan sum awmlah avanga harsatna tawkin, sorkar school te chuan tihtawp an tum a, amaherawhchu sorkar nen inbiain, tha taka kalpui chhunzawm a ni.

Hemi chungchangah hian Mizoram sorkar chuan chawchhun atan bika state tum ve tur cheng nuai 484 sing 2 sang 9 chu nimin khan a sanction a, harsatna awm lova sem chhunzawm theih beisei a ni tih kan corr chuan a sawi.

Mizoram sorkar hnuiaia Primary school leh Middle School ah te chaw chhun sem thin a ni a, kumin January thla atanga tun thlengin chawhmeh man pek chhuah a ni lo va, Cook-cum-Helper hlawh pawh thla 4 lai pek a ni tawh lova ni.

Hetihlai hian, sorkar chuan kumin zirna tan kum April thla atang khan Cook-cum-Helper te hlawh thlakhata Rs. 1500 chu cheng 3000-ah tih san a ni a, he hlawh thar hi April leh May thla pek a ni a, June thla atanga tun thlengin pek a ni leh tawh lo a ni.

Nimin khan School Education Department chuan thuchhuah siamin school hrang hranga chawchhun pek thina harsatna awm chungchangah fund pekchhuah dan thar hman a nih dawn vang a ni a ti a, Fund pek chhuah dan system thar PFMS (Public Financial Management System) hnuiaiah State Link Scheme awm lehin Account pathum hawn a ni a, chu chu a hran theuhin

Finance Department, PFMS leh State Treasury leh Central lama PFMS te nen inthlunzawm vek a ngaih avangin hemi buaipui chhung hi hun a heh vang a ni ber tih an sawi a ni.

An harsatna tawh chu Central lamah pawh lamkal intirin bawhzui nghal turin Department in hma a la tih School Education Department chuan an sawi a, rei loteah chinfel thuai beisei a ni an ti.



HEALTH MINISTER

Health Minister Pi Lalrinpuii chuan Mizoram chu ruihhloin a run mek a, sorkar, kohhran, chhungkua leh khawtlang angin Mizoram a buai phah hle a ni a ti.

Nimina Aizawla Synod Conference Centre, Trained Nurses Association of India, Mizoram State Branch kum 60-na a hmanpuinaah he thu hi a sawi a. Minister chuan Mizo thalai, Mizo hnam hmahuna mi pawimawh tak tak tur te chu engmah pawh ti thei loin ruihhlo buaiin an buai a, home leh centre hrang hrang an indah nghek nghuk a ni a ti a. Minister chuan India ram HIV/AIDS kai tam lama sang ber dinhmun luahtu Mizoram a ni mek tih pawh sawiin India ram pumpui chawhrual zat let 10 chuangin Mizoram a sang zawk a ti a. MLA 25 awmna Mizoram Legislative Forum on AIDS thutkhawm an neihah hotu thenkhat ten an duh khauh tawh em em tih a sawi a ni. HIV/AIDS kai te thup reng chu a tha ber em, naupai zawng zawng test an paltlang angin innei tur apiang test mai te a tul tawh em tih thlenga an sawi tawh thu a sawi a, an la kalpui lo ang tih pawh a sawi theih loh a ti.

Minister chuan Mizo nurse te chu chhuanawm a tih thu sawiin khawvel hmun hrang hranga hnathawka an kalnaah chawimawina hrang hrang an dawng thei te chu lawmawm a tih thu a sawi a. Nurse te chawimawina Florence Nightingale Award mi 16 laiin an dawng tawh chu lawmawm a tih thu a sawi bawk.

TNAI Diamond jubilee lawmnaah hian an member kum 80 chunglam te an chawimawi bakah Florence Nightingale Award dawngtu Pi H. Mankimi leh Mizo nurse zinga Professor hmasa ber leh awmchhun Prof Lalfamkimi te chawimawina hun hman a ni bawk a. TNAI Northeast region Vice President Pi Cheryl Susan Tada in he hun hi a hmanpui bawk a ni.

TNAI Diamond jubilee hi Dist dangah pawh urhsun taka hman a ni.



SHAKTI SADAN

Harsatna tawh hmeichhiate hun engemaw chen an belh theih tur Shakti Sadan centre chu Mizoramah 12 din a ni a, tun dinhmunah hmeichhia chhawmdawl lai 1193 an awm mek.

Mission Shakti scheme hnuaiah Shakti Sadan kalpui a ni a, hmeichhe baihvai, harsatna tawh, tlukluhna leh belh tur mumal nei lote, hleilenna tuar, endawng leh tuithlar te pan tura central sorkarin a duan a ni a, kum 2022 khan state chhungah kalpui tan a ni a, Women and Child Development Dept Asst

Director Pi Lalrammawii Kawilam chuan Centre 12 an kalpui zingah Aizawl ah 4 a awm a, a dang 8 chu district hrang hrangah dah a ni.

Hmeichhe harsatna tawk ten Helpline 181 an phone a, chuta tang chuan counselling centre pantir an nih phawt hnu ah, an mamawh dan a zirin Shakti Sadan hi an pantir thin a. Kum 2022 April thla atanga kumin September thla thleng khan mi 27,187 an be pawp tawh a. Hriat theih chinah hemi phone 181 betu te zingah za a 58 chu hmeichhe chungah hleilenna tuartute anni a, a dang zaa 42 te chu thildang vang nih thu Asst Director chuan a sawi a ni.

Hemi chungchang report hi kan corr hnen atangin lo ngaithla ang.



SAITUAL DCC

Saitualah District Bawrsap Dr. Lalngura Tlau kaihhrainain District Cooperative Development Committee (DCDC) chu nimin khan an thukhawm a.

He thutkhawnmah hian DCDC Member Secretary, Pu SK Das chuan Primary Agriculture Credit Societies (PACS) sawifiahin loneitu loan mamawh, bank account neih loh avanga loan la thei lote tan a nih thu leh a tangkai tur thu a sawi a. Bank atanga loan an lak chuan a hun takah te an dawn thin loh avangin harsatna an tawk thin a ti a, PACS chu Apex Bank nen inthlunzawmin loneitute chuan PACS hmangin awlsam takin loan an la thei a ni, a ti.

Meeting ah hian PACS computerize chungchang sawiho a ni a, tun dinhmunah hian Saitual District-ah Khanpui Multipurpose Cooperative Society Ltd chuan ERP (Enterprise Resource Planning) trial run a zo tawh a, Teikhang Farming Cooperative Society Ltd chu Go Live stage a awm mek a ni. Committee chuan district-a MPACS dang zawng zawngte chu computerize vek turin hma lak rel a ni.

Sawrkar laipui chuan Ministry of Cooperation kaltlangin India ram chhunga PACS zawng zawng te tan common bye-laws a siam a, hei hi nikum June ni 1 atanga hman tan a ni. Heng bye-laws te hi khaw tual tawng -a leh a ni a, tun dinhmunah hian Mizoramah hian print mek niin M-PACS zawng zawnga sem darh tur a ni. Saitual District ah hian M-PACS pa 3-in he bye-law thar hi an zawm tawh a, District chhunga PACS-a in ziaklut thar zawng zawngte chuan he bye-laws te hi an zawm tur a ni.

Pradhan Mantri Kisan Samridhi Kendras (PMKSK), hnuai lo nei mite tana dawr “One Stop Shop” chu a Saituala M-PACS pa 3 te chuan neih ve duhna an thelut a, Department of Agriculture kaltlangin license pawh dil mek a ni. Primary Cooperative Societies-te chu National Cooperative Database (NCD) portal-ah an tarlang thei a ni.



KHARKHAND SEAT SHARING

Jharkhand Assembly inthlan atana seat insem dan turah NDA te chuan nimin khan inremna an siam a. Jharkhand Electioni Co-incharge Himanta Biswa Sarma chuan Ranchi khawpuiah an inremna hi puangin BJP ten seat 68 an chuh ang a, seat 10 dang hi All Jharkhand Students Union, AJSU Party ten

an chuh ang a, Seat hnih Jamshedpur West leh Tamar chu Janata Dal (United) ten an chuh dawn a, seat khat Chatra seat chu Chirag Pawan-a kaihhruai LJP ten an chuh thung ang.

Hetihlai hian INDIA bloc lam pawhin seat insem dan tur an ngaihtuah mek a. Tun tum Jharkhand Mukti Morcha te chu Congress, Rashtriya Janata Dal (RJD) leh CPI (ML).te nen an thawkho dawn a ni.



HARYANA ELECTION

Haryana sawrkar thar chuan an state chhunga kal tha lo neite chu a thlawnin dialysis a tihsak dawn. Chief Minister Nayab Singh Saini chuan nimina a hoa Cabinet thukhawm hmasa ber neih a nih hnuah he thu hi a sawi a. Chief Minister Siani chuan mi retheite hamthatna tur chu an sawrkar ngaihpawimawh hmasak anih thu a sawi a. Sawrkar chuan hna thar 24000 siam tura a intiamna pawh a tihhlawhtling tawh a ti a. Loneitute thlai thar zawng zawng minimum support price mila lei vek an tum dawn tih a sawi bawk a ni.



PRESIDENT

President Draupadi Murmu chuan nimin khan Malawi President Lazarus Chakwera a kawm a. Ram pahnihten inremna thuthlung patli an ziaik. Inremna thuthlung an ziahna te hi sports, thalaite hmasawanna, damdawi lam leh Art & Culture lamahte inremna ziah a ni a. Hei bakah hian India chuan Malawi hnenah hian buhfai metric tonne 1000 leh Bhabhatron cancer enkawlna khawl chu Malawi hnenah a pe a. Malawi-ah hian Permanent artificial limb replacement centre din a nih tur thu President Murmu-i chuan a puang bawk a ni.

